

畿

輔

安

瀾

志

畿輔安瀾志

臣王履泰恭纂

清河卷下

附載

中堡河漚水故瀆也首起深州饒陽縣東流十里逕五聖口入河間府肅寧縣西南境之子由口又東流逕肅寧縣城南十五里又名玉帶河又東流五里逕垣城分爲二其分支爲白龍河由河間縣西北境入

高陽縣東南境又名趙王河又由高陽縣東境入任邱縣西南境逕王村口會古洋河入於柴禾淀

白龍河中堡河分支也中堡河逕肅寧縣南十五里分支北流凡二十里入河間縣西北境又北流五里逕大城縣境又北流五里入高陽縣東南境微有河形自下河流久失故瀆無存矣

趙王河卽中堡河下流也

古唐河滋水故瀆也首起深州饒陽東北之劉家莊

東北流入河間府獻縣西北境又東北流入肅寧縣
東南境又東北流復入獻縣西北境又東北流入河
間縣西南境又東北流逕河間府城西繞城而東又
名儉河又東北流曾古洋河下入於五官淀
儉河卽古唐河下流

〔謹案〕以上俱詳見唐河篇

古洋河滹沱河故瀆也首起保定府束鹿縣西南境
東北流入深州西南武強縣西北境又東北流入河

間府獻縣西境是名古洋河又東北流八里逕廉頗廟又東北流八里逕龍母廟又北流十五里逕龍駒村入肅寧縣東南境又東北流十五里入河間縣西南境又東北流十五里出縣城南八里橋下又東流折北凡二十五里逕徐家口古唐河東北流來會又北流十二里出半截橋下又名半截河又北流八里逕左家灣入任邱縣東南境又北流八里出張家橋下又北流五里逕相子口分爲二其分支西北流十

里環城爲濠又東北流十里逕邢家泊又東北流八里出順子口閘仍入於本河其正支東北流五里逕麻家務又東北流十二里出金家橋下又折而西北流二十二里逕順子口台支河又北流五里入於五官淀河形漸泯沒不可尋求凡十七八里至王村口出西石閘會趙王河北流入柴伙淀

黃龍港河古洋河支流也首起河間縣東北四十里之龍母廟東行逕孫家莊入任邱縣東南境又東北

行二十里逕邵家莊分流爲二又東北行十八里逕
种村入文安縣南境其在任邱河間境者微有河形
自入文安縣而河形泯矣蓋往時亦入於清河者也
謹案以上並詳滹沱河篇

西槐河白溝河分支首起雄縣北十二里之西槐村

西南流十四里入於新安縣之燒車淀

互見涿水篇

瓦河在霸州城南

太平寰宇記瓦河水在永清縣西南三百步一名

勝志瓦河與城南之沙唐二河合卽五渠水也俗
謂之長鳴溝 長安客話霸城南沙河與唐河合
流處俗呼飛魚口卽魚津窪也一名五渠水又名
長渠水

謹案瓦河疑卽今之中亭河也或以爲卽瓦濟河
霸河本名霸水在霸州南首起霸州城東北濠合西
南濠東南流逕山川壇關王堂凡三里入於中亭河
長安客話霸州都近去海亦近凡雲朔恒代諸山

之水由天津入海者必逕流霸出丁字沽總稱霸水
春明夢餘錄霸河距霸州城南三里爲白溝
下流 方輿紀要霸水自雄縣流入今湮

黃家河在霸州東南流舊自固安縣牛駝村分支東
南流入霸州東北境東南流舊自黃家村逕鋪疙疸
陳廚營頭頓村至信安凡五十餘里入於清河今在
頭頓村西北者微有河形自頭頓以至信安河河形
泯沒不可尋求矣詳見永定河篇

謹案永定河分支出金門閘者先爲三支一名西
支爲西引河又名蜈蚣河一爲東支又分爲二其
正支名東引河又名牯牛河其分支逕黃家村名
黃家河

子牙河滹沱河下流也滹沱會滏陽河逕大城靜海
縣之東西子牙二村又得是名舊自大城縣東北五
十里王家口西北流二十里逕文安縣土橋村趙家
莊循文安縣大隄而北逕龍塘灣三灘里傳官營至

石溝村入於清河今改流由靜海境矣

謹案東西二淀之中支渠以港互相纏絡不可悉數然而旋開旋塞直隸諸水惟此爲甚皆由永定子牙兩河悉歸東淀以濁流入止水隨即淤塞故也遠不具論卽自康熙四十年以來迄今諸河已有淤爲平陸不可浚治者今皆附錄於左

邊家河清河北支下流也往時清河北支巡霸州東無梁閣入文安縣東田家口又名邊家河入於文爾

淀今淤

信安河邊家河分支也清河自無梁閣分支逕霸州東信安鎮又名信安河下入於永清縣界今淤

呂公河邊家河下流也邊家河穿文爾淀入東安縣南境又名呂公河今淤

褚河港呂公河下流也在武清縣境下入王慶坨今淤

長子河褚河港下流也清河北支自信安穿文爾淀

分爲二支一支東流爲長子河東北流三十里合於
王慶坨河

東沽港河亦褚河下流也褚河港分流東出者爲長
子河東北出者爲是河又曲折東北流八里亦入於
王慶坨河今淤

王慶坨河褚河港下流也褚河港合東沽港河逕武
清縣之王慶坨又得是名又東流與長子河合入楊
家河今淤

頭道河二頭河三道河皆清河北支之支流在霸州境今淤

長洵河在武清縣界雍正五年開今淤

陳儀蘭雪齋集三汊河者東淀之上口也玉帶河全納西淀之水至此分而爲三一汊自臺山村北流逕高橋淀入信安鎮爲信安河一汊自趙家房東北流入勝芳淀爲勝芳河逕辛張策城至褚河港分二支一東流爲長子河一東北流曲折入爲

東沽港河又東十餘里爲王慶堯河與長子河合而信安河亦自西來會焉一汶自下馬頭東南流逕崔家房東入張家嘴河北流逕任家莊東流入左家莊泊又東北逕石溝分二支一北流與勝芳河會一東北流至臺頭而子牙河自東南來會焉合流至羊芬港又爲二支一北流逕藕柳樹頭與長子河合一東北流逕蒿浪泊出楊家泊抵河頭而臺山趙家房二汶出三角淀而東來會焉此三

汶之大概也其沿隄東去逕西馬頭堂頭入左家
莊泊逕傅官營入石溝河者則鹽河之故道非三
岔之正派矣自永定河入淀以來高橋淀淤而信
安河絕勝芳淀淤而平張河絕楊家河者東淀之
下口也三角淀淤而長子河絕王慶坨淤而東沽

港河絕

謹案此乃敘康熙間之三派與今三
派河疏上源則同而下流已異矣

隄防

清河老隄又名月隄在任邱縣北五里之苟各莊卽唐隄盡處闌河之中下接雄縣龍華村至保定縣界長十里六丈二尺五寸以限柴伙淀之水使不得倒漾近河四十八村均無水患康熙三十七年築雍正三年修乾隆十六年重修

雍正三年怡賢親王敬陳水利奏畧各處隄防衝潰甚多應俟隄內水淺興工修築其高陽河之柴

淀口河身南徙舊河淤塞斷流應速挑濬復其故
道新河之南界連任邱有古隄一道亦衝潰數段
以致任邱西北村莊盡被淹沒鄭州一帶通衢亦
宛在水中亦應俟冰退照舊修築並墊高行路以
便往來

謹案苟各莊迤北隄勢轉曲乾隆五年建修磚閘
以洩趙王河并隄濠瀝水其旁接里長窪卽名之
曰西隄

趙北口疊道在任邱縣北五十里南接千里長隄北接雄縣南界西淀之中大隄長七里

端村隄在雄縣北趙北口西與安州新安接界

六原斜隄自王約寺東南玉皇隄以障北水城郭村墟甚賴之知縣顧問重修

謹案以上爲清河上游之隄西接安州新安高陽北界新城雄縣清河始自任邱故隄亦以是爲斷關城村間有四磚間一木闌三叉涵洞五皆在任邱

縣西北三十里之關城村北清河南岸也乾隆五年
重修

奏畧任邱縣之關城村近附千里長隄南臨白洋
淀建有磚閘引水至村北月隄又於月隄建三木
閘三渠導水至閘外支分九道灌地九十餘頃其
地南高北下安州容城北來漚水過多則近渠之
地被淹舊築有土埝以禦漚水設涵洞五座使渠
水可以北屈漚水可以南洩今將各渠疏通其長

二千八百六十餘丈舊埧涵洞均爲修整民田得漸復灌漑之利

里長閘在任邱縣北五十里之里長村北西北直趙北口十五里東南直五官淀十五里高八尺寬七尺宣洩鄭州之水乾隆五年建二十八年重脩

順子口閘在任邱縣東北二十里古洋河入五官淀之上流也以木爲之高八尺廣八尺口寬七尺雁翅東長三尺五寸西長四尺五寸宣洩邢家泊積水雍

正四年建

王村口閘二一在任邱縣東北名西閘一在雄縣東南名東閘古洋河與趙王河會流處五官淀之下流也以石爲之均高一丈四尺廣一丈五尺口寬一丈三尺雁翅東西各長一丈宜洩蒲泊積水歸柴伙淀
雍正四年建

謹案五官淀南北長三十里東西廣十五六里南屬任邱者十之四屬雄縣者十之六古時巨浸也

今則居民交錯阡陌縱橫壅培日高盡成沃壤順
子口閘在淀南王村口閘在淀北古洋河古唐河
中堡河趙王河胥會於此三閘下入茅兒灣此其
要路也

千里長隄清河南岸也其在任邱縣者西南接高陽
縣之永安隄東南至西大務折北至七里店又北至
古佛堂又北至十方院折東又南至里長閘又南折
至苟各莊凡長七十餘里又自雄縣龍華村老隄起

下入保定縣何家道口長三千三百八十二丈自何家道口起至霸州苑家口西止長二千八百四十七丈九尺自苑家口起至蘇家橋止長五百六十丈五尺自蘇家橋起至柴溝村王李墳接大城縣隄界止長九千八百五十三丈一尺凡長九十里奇均頂寬一丈五尺至二丈底寬五六七丈高九尺至一丈乾隆二十六年二十八年三十六年修嘉慶五年重修十一年又修

雄縣志老隄在縣西長十二里自新立莊至新安
界止長九里康熙三十七年總河王新命築保
定縣志一自十王堂西起至盧哥莊界牌止一自
路疇南頭起至北壇止一自劉家圈起至北門止
一自西關起至西壇止一自擺渡口起至大城隄
止一自大城隄西起至何家道口東止一自文安
何家道口隄南頭起至上武哥莊止共長五千三
百八十弓外有遙隄自白家道口起至武哥莊止

其長三千八百弓大城分修八百四十弓文安分
修一千四百弓保定分修五百六十弓霸州隄接
保定縣盧哥莊界牋東至太保莊西頭止自太保
莊東起至善來管則文大隄也大城隄在保定縣
界內一自北壇起至劉家園長二百八十弓一自西
壇起至擺渡口長四千三丈一自靳家背後起至
姜家村長二百九十弓一自何家道口起至橫隄
文安修築文安隄在保定縣界內者自路疇北頭

起至十王堂 天城縣志協脩隄岸霸州長屯南
蘇家口一百一十丈北蘇家口一百三十四丈又
程家口五十五丈文安縣善來營六十丈武哥莊
二百一十三丈保定縣靳家背後一百一十八丈
栢木橋注窩四百七十丈乾隆十一年又自莊兒
頭起至當城止歸子牙廳營管轄自當城起至西
沽紅橋隄尾止歸津軍廳管轄 康熙三十七年
原任總河王新命奏畧該臣等議得自雄縣新安

清苑安州高陽任邱保定霸州文安大城河間十一州縣共隄長十三萬八千丈零計七百六十六里誠如

聖訓惟堅築隄岸堵禦者也至任邱縣之趙北口與霸州之苑家口皆爲出水咽喉查趙北口之橋八座其長五十四丈有餘苑家口之橋一座止長三十六丈豈能洩白洋淀無涯之水所以一遇伏秋水漲奔瀉不及常致漫溢冲潰似應於趙北口添修十丈

長橋一座苑家口北廣會河原自保定縣相對北面中亭河分流經廣會橋出臺山村入淀緣渾河漫溢以致淤塞誠如

上諭兩河會流處不能容納所以漫溢者也現今渾河已經奉

旨令撫臣于成龍修治其通淀約及三十里之中亭河似應照舊挑通再自苑家口至廣惠橋約有三里添修七丈長橋三座東西之旁障水之栲栳圈民隄似

應開通使其各自分流再自霸州東關起至信安
以及中亭河一帶隄工多被渾河冲決現在漫溢
應俟渾河分流涸出之日再行修築其餘各州縣
所有民隄地方官每歲農隙查看修補 雍正四
年怡賢親王奏置安州新安霸州文安一帶隄工
兩面皆水尤爲險要夫役撈取泥堊尺積寸累工
力維艱所幸三伏晴霽入秋暄暖得及時完工
乾隆三年大學士鄂爾泰奏置直隸清河隄岸起

清苑縣迄獻縣之臧家橋周回於順天保定河間
三府之境名曰千里長隄而工程之隸於保霸文
大之境者則最爲險要今年洪水異漲用力搶護
幸保無虞然隄工坍塌半成壁立之形請將茅兒
灣以下現在隄工築培高厚修成坦坡至陶官營
而止其龍潭灣轉角之處三面受衝甚屬險要應
查照補築之大隄對岸之支河行令河臣相度疏
濬酌量開通并於瀕河村莊添設板橋以便行李

嚴禁攔河壘道橫截中流俾支河暢達以收分減之宜 三十八年總督方觀承奏畧千里長隄文六二縣境內文安縣蘇家橋起至大城縣馬村關止計長一萬九千六百三十八丈四尺向來該處民修皆係候至四月淀水大落之後就近起土今隄身內外水浸殘缺過甚工程緊要詳加籌酌將遠處取土之旱方併水中撈泥仰懇按方給價於存貯天津道庫

賞發帑銀二十萬兩內動撥派員分段承修務於汛前一律

完竣以資捍禦 嘉慶五年總督胡季堂代賑工

程奏畧直隸地方上年雨水稍多汎水盛漲濱臨

河淀之州縣隄塍爲保衛民居而設最關緊要卽

飭確查分別詳辦嗣查明隄工微有損缺仍循舊

規勸民自行培修外惟雄縣任邱霸州濱臨河淀

各藉隄塍以資保衛係風浪衝激多致坍塌殘缺

亟須修築

遙隄在文安縣境西北自白家道口至上五哥莊長八里明嘉靖四十二年築

文安縣志遙隄自王東經注窩轉而西北過王村口史哥莊折而東由上五哥莊連保定此舊隄址也因史哥莊以南地隸雄縣無同舟之濟不得已修遙隄以自固俱極高阜康熙間縣令崔啟元築蒼耳淀涵洞在文安縣北有二一在淀南一在淀北乾隆十年建旱則開西北口進水以資灌溉澇則開

市南口出水以資宣洩

謹案蒼耳淀雍正間營治稻田副使王鈞劉勣曾
共捐建開築圍今營田廢而閘亦毀矣

苑家口疊道在霸州東南南接千里長隄北接六工
隄長二里五分

清河北隄在霸州南十里自保定縣燕子口抵文安
縣清平亘九十里金刺史移刺益修築明洪武間知
州梁伯常重修卽今霸州南千里長隄也

金史列傳移刺益爲霸州刺史郡東南有隄久頗
圯水屬爲害益增修之民以爲便

謹案千里長隄在霸州南者自保定縣燕子口抵
文安縣清平村曲折九十里當是康熙間修築時
因清河北隄舊址建築然往時名北隄而今乃在
清河之南是不可解

六郎隄在霸州西南首起雄縣新城界齊家埕東至
老隄村長一千八百六十二丈高一丈頂寬一丈底

寬三丈以禦西淀之水宋時楊延朗築嘉慶五年重修

謹案宋史列傳楊應詢歷知信安保定軍霸州塘
樂之間地沮洳水潦易集居人浮板以濟應詢增
隄防爲長渠濬其旁以泄流民利賴之然則捍隄
築水不止一楊延朗也

六工隄在保定縣北霸州南中亭河北岸也屬霸州
上接老隄村自霸州東關龍王廟起至平口村止長

六十里是爲上六工自平口村起歷水利營田西北至楊各莊西田家口止長二十里有奇是爲下六工共長八千六百九十丈高七尺頂寬一丈三尺底寬三丈康熙三十八年築雍正五年重築下六工隄乾隆七年加倍上六工二十七年加倍下六工嘉慶五年重修

畿輔通志康熙三十八年築隄上下各六工上六工距河稍遠以護州治下六工縷河爲隄以護田

廬增設州判一員管理每歲按里出夫隨時修補
後隄工殘缺而下六工無復遺址與積淀相通
二統志雍正四年疏濬深廣自保定縣北引流至
州東臺山而入會同河復開支河以廣灌溉築下
六工隄長四十里

營田東隄長七百三丈在下六工隄內圍外之水不
致漫入圍內歲得豐收嘉慶五年重修

魚廠隄在霸州東十五里之魚廠村

橫隄在霸州城東十八里

霸州志南抵苑家口北抵栲栳圈西來諸水至此
壅阻歛入會同河口狹流急卒難速洩以致上源
泛漲三郡爲災明副使顧襄議盡決此隄以殺水
勢豪有力者阻之議遂止

國朝順治甲午河水橫決長隄俱塌一望數百里皆成
巨浸後雖發帑修築然捍蔽者不過城之東北而
城西城南舟楫往來日甚顧之前議誠爲遠見

花達墓隄在霸州東上接臺山下經趙哥莊楊哥莊
田家口菜園高橋迄於信安鎮長四十里明萬歷初
副使錢藻築

南隄在霸州東自保家莊起歷老隄村蓮花池抵邢
家務口長三十五里亦錢藻築嘉慶五年重修

趙哥莊隄在霸州東三十里自圈里村抵蔡圈村明
知州劉珩築

馬貉隄在霸州東四十里自田家口歷棘針墳抵信

畿輔安瀾志

安鎮宋楊延朗築

長屯司漕河隄在霸州南一百二十里口岸六處馮
家口盧家口南程家口北程家口南蘇家口北蘇家
口

煎茶鋪隄在霸州東北自劉紀營經州城抵信安鎮
延袤百里明知州毛寶增築

謹案以上皆清河北岸之隄自下六工以下多古
隄皆廢

東西岸民埵西岸自容城縣界起接雄縣頭鋪郭家
嘴長二十二里又自頭鋪至十里鋪老隄止長二十
三里東岸亦自容城縣界起至雄縣大陰村止長三
十五里均頂寬五尺底寬二丈高七尺乾隆二十六
年三十六年四十年四十六年重修

留通村涵洞在雄縣南留通村雍正四年建乾隆五
年重修

李郎村涵洞在雄縣南李郎村南雍正四年建乾隆

五年重修

謹案留通李郎二村舊設涵洞各一座引水營灌
洞過高水不能入乾隆五年落低三尺

中亭河北岸涵洞凡四一曰栲栳圈一曰魚廠村一
曰高各莊一曰臺山皆雍正四年建乾隆十五年永
定河之漫溢隄北地悉淤高今廢

畿輔通志魚廠村高各莊臺山平口等處營田引
中亭河之水洩村橋下仍入於本河

十間房闌在霸州東雍正十一年觀察副使光祿寺卿王鈞捐建築圍營田

格淀隄又名隔淀大隄乾隆十年創建自大城縣莊兒頭起歷靜海縣抵天津縣西沽長八十四里寬二丈高九尺又自文安縣三灘里起至格淀隄莊兒頭止接築新隄二千七百七十二丈乾隆三十二年增建

〔乾隆九年協辦大學士劉於義總督高斌奏畧子

牙河濁流穿淀宜另疏出水河口并築長隄分別
清渾查子牙河上游爲滹沱河會滏陽河北注大
城縣王家口每年清渾並漲迤南數十百村莊悉
遭淹浸及至汛退泥停散漫淤墊請於王家口北
莊兒頭起堵截子牙下流另於陳家泊展開河身
一道改溜東行則清渾兩河永不相混

謹案格淀隄至臺頭西南而止乾隆三十二年

高宗純皇帝巡幸淀津臨視以莊兒頭至三灘里舊隄有闕

特命接築長隄障隔渾流不令入淀以防淤墊 〔又案乾隆

三十七年奏准子牙河格隄改爲疊道增設涵洞
韓家樹橫埝在天津縣西北十五里起自韓家樹北
接鳳河東埝迄於縣西北二十五里桃花口之西沽
又疊道長八里乾隆十年築

馬家口村閘二在天津縣海河內乾隆五十六年建
又東關閘賀家口雙空閘何家圈雙空閘雙港雙空
閘白塘口雙空閘均嘉慶十一年修

謹案保定縣志言隄工甚詳其略云北九河南六
河俱經保定玉帶河連苑家口一河之隘不足以
容萬派之流以故橫出潰決必先及於邑之河北
寨上利桃花漫張青口燕子口小河等處再決而
南田苗漂沒無餘矣永樂六年知縣王孟原始築
隄防之民患稍安十二年知縣楊汝誠重加增修
見水隘隄決保定與文安大城暨雄之東鄉霸之
南鄉均害況保定民貧力寡較文大雄霸霄壤用

是申准撫按每年春秋雄霸文大保定五處各分
工修築隄所以護民田也保居文之南文又在保
之南大又在文之南自明洪武間卽分汎修築若
霸州則不欲有此隄以壅水北注無如河南之糧
地居民六村焉曰口頭曰太保莊曰東五哥莊與
保之下五哥莊相連曰善來營亘隄二里曰苑家
口曰蘇家橋州民田廬與文保相錯纏綿至隄南
三十餘里故州南等村與文保有分汎之隄也至

如雄邑史哥莊八村原有隄北與保隄相接南與
文隄相接亦與保霸文大分築則一州三縣同舟
分築無容異視也已 保定縣知縣陸光旭修隄
碑記玉帶一河爲白溝漣沱琉璃數十河之下渚
恃長隄百里以爲之防以衆河之水聚一河則易
決以三邑之功禦一隄則易完而數失其防者何
哉一以民習之久玩也曲突不事而補亡羊一以
鄰人之秦越視也同舟弗心剝床奚及夫霸州文

大幅幘亘百餘里而遙而隄則錯壤相間或一邑
分汎數處或一隄數邑協修自蘓橋迤東文防居
多西則霸文相界而盧哥莊河干乃保強分汎十
王堂者文隄也接胡家墳保障者大城久不修之
界岸也靳家背後則保大所共事也何家道口則
初爲大隄而今爲文隄過此南北橫隄則魚子口
達北村五哥莊者隸平戎向南則廣陵脩汎注窩
則平舒分工也段落甚晰形勢昭然舊碑有曰文

安五分大城三分保邑二分蓋古人計害均勞此

修彼應意良深哉

譚案碑建於順治丙申

文安縣志明隆

慶五年縣令史天祐創修大隄自西南王東村起而北而東又東南至王李墳止延袤百五十里高廣堅緻後有增修如因邱陵萬厯四年縣令王湘沿隄栽柳後皆合抱伐其枝幹可代礎石缺者栽補屬禁斫伐十一年縣令官延澤修隄分工程督始有定議分工條議自大注窩起至王李墳止霸

州雄縣保定大城文安分築後自遙隄再建雄縣

遂弗共事

以雄縣王村口史哥莊在遙隄外也

實在四邑按股分工

霸州三段一段自蘇家橋西頭起至羊耳窩止長
二百三十二弓一段自太保莊西頭起至藥王廟
前止長六百弓一段自藥王廟前起至保定界止
長二百六十弓保定縣七段一段自界牌起至十
王堂止長六百四十二弓一段自鹿疇起至北疇
止長六百七十五弓一段自劉家莊起至北門止

長二百九十弓一段自西關起至西壇止長八十
二弓一段自擺渡口起至靳家莊止長三百三十
弓自姜家村起至何家道口止長八百三十九弓
一段自橫隄起至上五哥莊止長二千四百三十
五弓大城縣六段一段自善來營起至張家里十
甲隄止長一百二十弓一段自張家里隄起至下
五哥莊止長六百二十三弓一段自北壇起至劉
家莊止長二百八弓一段自西曠起至擺渡口止

長四十三弓一段自靳家莊起至姜家村止長一百九十弓一段自何家道口起至橫隄止長一百六十九弓文安縣九段一段自王東起至新隄頭保定隄界止長四千九百五十五弓一段自鹿疇起至十王堂廟前止長一千三百三十弓豐臺一段自太保莊起至善來營大城隄界止長二千一百五十三弓一段自蘇橋起至堂頭止長三千九百八十三弓一段自堂頭起至艾窩止長七千九

百六十三弓一段自艾窩起至王李墳止長八千

五十五弓一段羊耳窩隄長四百弓一段口頭藥

王廟隄長一百三十弓總計四邑分修護田隄一

道計長一百二十里

起王東村止王李墳

內分民隄一段自

雄縣王東村起至保定縣界隄止長二千八百九

寸七丈五尺欽隄一段自保定縣界內何家道口

起至柴村王李墳大城縣隄界止長一萬三千七

百四丈一尺又古隄一道在邑東南自天津東北

經韓村艾子之南接大城縣之周北王文樞底等
村延袤幾百里一名寸金隄今韓村有元勅建法
靈寺碑陰曰寸金隄畔古佛堂一名長城隄據趙
武靈王築長城當燕南趙北立有隄岸創建失考
蓋使燕水不南趙水不北也四十二年自白家道
口起至上王五哥莊止築遙隄一道以防廖家黑
牛等口之衝決長八里文安修五分保定修二分
大城修三分地坐保定旣無掣肘之虞工責三縣

又成臂指之勢 霸州知州楊澗申文查勘得保

定文安之城三縣窪下之地邇來渾水南徙水患
倍增於前隄壩坍塌非復舊時之形勢兼鄰封有
希圖私便如雄縣於原分之土不惟不行協修而
反累累盜決以圖注洩則三縣受上流之患矣靜
海於順流之勢不惟不加疏濬以導於海而反欲
障塞以事壅遏則三縣受下流之患矣要而論之
保文厯年原有之隄當仍其有不可聽決也大城

歷年原無之隄當仍其無不可聽塞也仍之則彼
此兩便經久可行至若各責轄屬以嚴防守互相
申報以戒疎虞以被災之分數定叅罰之輕重如
此則三縣同心願甘勞苦但大城之水口塞之難
而防禁則易保之隄岸決之易而巡守爲難且保
定丁寡民貧獨任巡守不無傷累如果係盜決不
能捍禦則罪在不宥倘遇天災流行似又當查三
縣之分修堅否難以概責保定爲疎虞也 又明

霸州道莆田王鳳靈議爲治隄之議者無訐計遠
圖曲防自便不知山澗飛湍渾濁迅激築於此則
決於彼淤於河則薄於陸勢固然也治之之法不
以壅而以導不先於決口而始於下流余觀直沽
之上有大淀有小淀有三角淀廣延六七十里深
止四五尺若因而增益之又爲之隄以停蓄衆水
而委輸於海水固有所受也然後濬治舊川爲長
隄以束之高塘倍於前功使水有所行又多開支

河聯絡相寓使水有所分現在窪淀不下數十里
又各深而隄之使水有所積則雖有淫潦飛流大
川瀉之支河洩之諸淀緒之高隄防之可以無橫
溢滔天之患矣隄易壞必有隄夫歲繕河易淤必
有淺夫時挑支河旣分必多橋梁以通濟之則川
得安流田得利溉人無病涉地方之大利也 舊
霸州志郡人王遴曰京師之南水害霸州文安阻
之也何以故霸州苑家口會同河與栲栳園新挑

河總會順天保定真定三府西山一帶十餘河之水東注三角淀入海乃二河各東西相去約有二十餘里最爲窄狹北岸屬霸州南岸屬文安各築高隄文安約六七十里霸州約五六十里各護民田此其用心豈非良有司哉顧築隄愈高壅水愈甚卽霸州西南之民已受其害況上而保定雄縣安州新安高陽新城任邱獨非民乎故霸州文安旣當築隄亦當疏水水壅則勢大則難與持久

一決而霸州文安所護之田亦並沒於洪濤巨浸
中矣爲今之計當疏水使平在苑家口栲栳圈迤
西永無壅滯泛濫之患迤東永無傾塌沖決之虞
而疏水之策開文河不與焉蓋文河之開洩水固
易但壞民田地廬舍居多又害盡移之文安勞費
亦甚徒滋多口萬無成功惟是保定縣東北路疇
村起自西向東由周家莊魯家莊西營村直抵唐
頭村築大隄一道務極高厚南護文安地方計長

約四十里計用夫二千名做工兩月每月夫一名
給工食一兩五錢計銀六千兩此一勞永逸之計
二州七縣之利俟隄既成卽將路曠村迤北至口
頭村卜家莊善來營苑家口蘇家橋沿河一帶南
岸之隄盡爲決去秋水一發卽以所築之隄爲南
岸則水豈能復壅所謂不與水爭地此策之上也
目前之計但當於苑家口栲栳圈二河之中內有
民田京營地約有四五十頃亦因水患皆四爲之

防一遇水發最爲壅塞若將民田京營地蠲其賦
稅一半餘者各州縣代補聽各自種自食春間無
水尚堪種麥夏間稍旱亦可種菰其中曲防盡爲
決去亦不致大壅不過一舉手之力況各地主得
減輕賦稅之田自種自食久之必當感恩且所蠲
稅計數不過三四百金國家何惜於此此又策之
次也凡此悉明白易行中有循習故常者復創爲
三說以阻之一謂洩水之東有壞運道夫運道去

惠橋長七丈五尺清河正支出於橋下均廣二丈四尺雍正四年重建乾隆十二年嘉慶十一年修

任邱縣新志趙北口舊有木橋四座石橋四座明宏治間知縣孫擎建劉守臣重修歲久傾圮

本朝康熙十一年知縣劉日光捐修雍正三年怡賢親王以舊橋卑隘滯礙河流又增建三橋

雙關橋在任邱縣北四十里之鄭州南關外跨城濠之上架木長一丈二尺廣二丈五尺

蕩如信安堂二折城諸處何以自存然諸處居民
皆數百年矣卽前癸丑等年亦未聞其害也一謂
築隄於南爲上策決去苑家口栲栳圈河中之曲
防爲次策固是奈當潦當決之田亦吾民耳余又
聞之係蹄在足則猛虎絕其蹯蝮蛇在手則壯士
斷其節蓋所全者大也

橋渡

趙北口橋凡十二爲十二連橋曰易陽平橋長五丈七尺曰新橋長八丈五尺曰砲臺橋長六丈五尺曰徐家橋長六丈四尺大港引河出於橋下徐家橋迤南曰第一平橋長六丈四尺又南曰南第二平橋長十丈又南曰南第三平橋長六丈四尺又南曰南第四平橋長九丈一尺曰洪橋長九丈八尺曰太平橋長七丈六尺古佛堂迤南曰平橋長一丈三尺曰廣

此約一百五十餘里爲三角淀周圍大幾四百里
每年秋水泛漲卽運河有餘之水尙決於此豈有
此水決入運河者乎又況南隔大城鹽河一道北
隔東安永清運河一道邈不相干姑以已然者証
之嘉靖癸丑己未隆慶戊辰此三年最爲大水霸
州文安之河與隄俱沒雖森然東下然未闌於運
道有壞今擬洩水乃每年平常之水耳忍爲各州
縣之害而莫之救哉一謂洩水之東不免下流漂

北城橋在南城橋之北二里許架木長一丈二尺廣二丈五尺

清河門渡在趙北口東北八里任邱雄縣交界處

茅兒灣渡在雄縣東四十里與史各莊相近設渡船一以濟行旅

永濟木橋在霸州東南苑家口跨清河上明宏治間建後圯

本朝康熙三十三年

勅建賜額架木高二丈七尺廣三丈六尺長二十八丈乾隆十四年二十六年三十一年四十六年嘉慶十一年修

霸州志浮橋在苑家口明宏治甲寅知州徐以貞造舟二十艘聯以鐵絙上布平板隨水升降以通輿馬戊午知州劉珩增修正德己卯郡人太監張忠架木建橋今廢

裕順橋在霸州南老隄頭跨中亭河上架木長八丈

寬一丈六尺高一丈六尺雍正四年建乾隆二十九年重修

順義橋在霸州南名魚津窪橋跨中亭河上架木長八丈寬一丈六尺高一丈六尺康熙五十七年建乾隆二十九年重修

廣惠橋一名安濟橋在霸州栲栳園跨中亭河之上架木高一丈五尺寬一丈五尺長八尺康熙十一年建乾隆二十一年重修二十七年再修

霸州志安濟橋在州東南十五里栲栳圈明隆慶戊戌建萬歷丙子知州喬雲重修

利濟橋俗名魚廠村橋在霸州東南魚廠村跨中亭河上架木高一丈七尺長八尺廣一丈四尺雍正六年建乾隆二年重修二十九年再修

中亭橋跨中亭河上長八丈廣一丈五尺高一丈七尺乾隆二年建二十三年重脩直中亭河之尾故卽以中亭名之

苑家口渡

明史河渠志北直水利宣德七年正月順天府言
霸州苑家口河舊設官舟三隻以濟往來年久壞
爛請改造仍置水夫四人從之

蘇家橋在霸州東二十里文安縣北四十里當往來
孔道蓋文霸交界處居民極盛橋已久圯

謹案蘇家橋俗以爲蘇老泉建以老泉曾授文安
主簿也攷歐陽文忠公老泉墓誌但云其在禮局

食文安縣主簿俸是未嘗真爲之也焉得至文安
建橋今橋久廢其地尚有蘇公祠後人引以爲重
耳

勝芳鎮橋凡三一鎮西一鎮北一鎮東跨清河北支
之上架木高二丈四尺長三丈五尺廣二丈二尺設
活板舟楫通行東大橋乾隆十年修

辛章橋在大城縣北辛章村南跨辛章河上

鞏隄橋在天津縣北二里跨西沽疊道之上與格淀

隄道相接

西沽浮橋在天津縣北三里清河與北運河會流處
紅橋在西沽北里許紅橋北里許爲直沽橋又北五
里爲汎安橋又北四里餘爲玉橋又北五里爲福祐
橋又北一里半爲桃根橋

謹案清河入天津縣過韓家樹羣流悉并爲一河
格淀隄限其南永定河南埝限其北惟藉西沽一
口以爲入運之路盛漲慮無所洩故於西沽埽道

建設各橋淀水極大之時藉以宣洩此紅橋而下
六橋所由建也以西北疊道爲北運河西岸故又
互見於北運河篇

五空橋在天津縣鹹水沽架木高一丈七尺長六丈
八尺廣二丈六尺嘉慶十一年修

王家橋木橋跨王家河上乾隆十年建二十七年重
修

于家橋木橋跨于家河上乾隆十年建二十七年重

修

謹案二河之水與子牙河通俱在天津縣西北跨
格淀隄上

修治

宋史曹翰傳太平興國五年爲幽州行營都部署詔督役開南河自雄鄭以通漕運

明實錄景泰二年疏河引流自新安縣城西南隅過南門至東門外三里卽梁頭河東流達於瓦濟河

康熙三十八年總河王新命開挑霸州中亭河上接十王堂下入臺山分減玉帶河水勢築上下六工隄以衛州治

雍正三年怡賢親王奏開中亭十望二河四年工竣
十望河以積水未開自口頭對岸之下河門挑引河
一道分玉帶河水注之中亭河

〔謹案〕中亭河自康熙三十八年開挑後分減玉帶
河水勢後渾河淤至勝芳下流遂塞而十望河自
張青口來者爲白溝流沙墊淤上流亦斷是以重
開

雍正四年怡賢親王奏趙北口居西淀之中舊有石

橋八座白洋諸淀之水皆由橋下東流實爲西淀咽喉舊有石橋卑隘請易之以木升高加濶又增建三橋俾積淀之水暢注

乾隆四年協辦大學士劉於義總督高斌會勘請開通勝芳舊河展挑楊家河裁彎取直將蛤蜊口一并開拓歸入大清河得

旨允行

奏畧查治河之道迂曲則易於淤狹而直達則易

於暢流今查看河身淤曲訪有勝芳舊河一道東北直注形勢逕捷土人名爲照直河應卽開通湮塞使水道一直暢流再楊家河自莊西下河頭應展挑寬深又自東北中河頭應裁彎取直其蛤蜊口一并開拓歸入大清河

乾隆十年開濬雄縣東北境盧僧河長二十里有奇保定縣張青口引河又濬十望河自喬家灣至王各莊得

旨允行

乾隆十七年請於蜈蚣河在固安分流之處橫築攔
水壩一道得

旨允行

乾隆十八年總河方觀承請挑張青口以下支河直
接中亭支河口長一千九百丈得

旨允行

奏略查雄縣白溝清河與趙北口等河西淀之水

會歸東淀悉以張青口河爲咽喉因其約束太緊
於查堪初次舉行水利工程案內於張青口之北
另挑支河一道長八里又將玉帶河之支流中亭
河亦經挑濬深通二十九里以分洩其勢今查張
青口支河下口起至中亭河支河上口止此一段
玉帶河河身彎曲逼近千里長隄計長二十餘里
水長之時隄工最爲險要應於新挑張青口支河
下口再接挑支河一道就近直接中亭支河上口

計河長一千九百丈則自張青口以下之水均得
兩路分流

乾隆二十八年總督方觀承奏請展挑馬道河正支
二股大港河下游清河門之東裁彎取直以資分洩
並於白溝下游之盧僧減河自高橋起至茅兒灣間
段挑濬趙北口各橋以下抽挑河槽並濬瀦龍河入
淀下口支河大港河里長開口接開引河等工得

旨允行

奏畧趙北口疊道橋通流者纔二三處惟廣惠一橋舟楫通行其下馬道河正支二股均應展挑寬深惟是白溝入淀之清河門汎漲且射橫截上流淀水出路乾隆十年於藥王廟前另闢大港引河出孫家嘴以導西淀之水不與白溝爭路故大港河其關緊要其下流尤須展挑寬深以資傳送復查勘得清河門之東有窯河故跡長八里零再將此河裁彎取直則白溝下游多一分洩之路而清

河門更無虞其阻截淀道矣又白溝下游之盧僧
減河應自高橋起至茅兒灣酌量深淺間段挑濬
則新雄一帶可無驟漲旁溢之患其趙北口各橋
以下俱相度來水抽挑河槽俾其一律通深以暢
西淀水道又諸龍河入白洋淀下口有正支二股
今以支河爲順應加挑濬長十一里六分零又大
港引河南隄有里長閘任邱西北積水之所疏消
閘外淤高應接閘口開引河一道歸入大港河下

游

乾隆二十九年總督方觀承請濬龍灣河即舊河長八里開勝芳引河長五里有奇得

旨允行

嘉慶五年總督胡季堂奏請以工代賑脩築新安縣之白洋淀南隄長流河北岸東隄雜淀東岸西隄燒車淀西岸北隄加高培厚頂寬一丈五尺底寬三丈至五丈高八尺雄縣千里長隄即東老隄自任邱縣界起

至保定縣界止長五千四百零六丈二尺五寸加築
頂寬一丈五尺底寬三丈高七尺任邱縣境內千里
長隄南自高陽縣界起至雄縣隄界止長一萬二千
九百八十三丈五尺照原建脩築頂寬二丈底寬五
丈高一丈霸州上六工隄一段自東關龍王廟起至
平口村止長五千零八十三丈照原建修築頂寬二
丈三尺底寬三丈高七尺內自三岔隄起平口村止
長二百三十九丈係營田西隄加高培厚築頂寬二

丈三尺底寬四丈高九尺下六工隄一段自平口村東起至工尾止長三千六百十六丈內第一段第三段係營田北隄築頂寬一丈三尺底寬四丈高九尺營田南隄一道長六百八十五丈照原建修築頂寬一丈三尺底寬三丈高七尺營田東隄一道長七百零三丈照原建修築頂寬一丈三尺底寬四丈高一丈一尺六郎隄一道自東隄村起至新城縣界齊家埝止長一千八百六十二丈照原建修築頂寬一丈

底寬三丈高五尺

嘉慶十一年總督裘行簡請脩築千里長隄新舊格
淀隄及疊道橋閘並挑濬各州縣河身淤淺以民修
民埵之工仰蒙

皇上發帑興脩嘉慶十三年總督溫承惠奏報工竣於
謁

陵禮成之後

聖駕親臨闕視並錄鞏固

特詔蠲免沿途經過地方及天津府屬十一年以前積欠錢糧又通省並免十分之二不成樂利億兆騰歡各州縣境內工程復

命尚書德瑛劉權之勘驗收工內于里長隄自高陽縣潞龍河南岸劉家溝起歷任邱雄縣保定霸州文安至大城縣南趙扶村止共分七十段長四萬三千三百四十六丈四尺五寸築頂寬一丈五尺至二丈底寬三丈至五丈高七尺至九尺不等又格淀新舊隄并

格淀鹽道自文安縣三灘里起歷雄縣任邱大城靜海至天津縣西沽砲臺止共分七十二段長一萬七千九百八十五丈五尺築頂寬一丈四尺至三丈底寬三丈至六丈高二尺至八尺不等又挑濬河道自任邱縣大清河起歷雄縣保定霸州文安大城靜海至天津縣西沽與北運河會流處止共三十五段長二萬九千四百一十二丈挑面寬三丈至十丈底寬一丈至五尺深一尺四寸至八尺不等

五里堤防橋渡並漕沱河

嘉慶十一年總督裴行簡奏畧查直省千里長隄
及新舊格淀隄各工均須及時修築千里長隄繚
繞縈迴綿亘七百餘里自乾隆三十七年大加培
築之後迄今三十餘載其間只曾於以工代賑案
內間段脩治疊遭大水沖刷有隄身僅存一線者
有隄址幾如平地者分段詳細履勘就地勢崇卑
離水遠近將隄工高低丈尺扣存舊土核加新土

勘明水旱土方取土難易分別培築於水口較深
之處加用椿料總期料實工堅足資捍衛至新舊
格淀隄雖止百里係在衆河下游大城文安隄身
兩面皆水均須水中撈泥施工較難又靜海縣當
城至楊芬港疊道計長二千丈獨流村後疊道九
百丈該處爲車馬必經之路均須一律修築
總督溫承惠奏畧竊照千里長隄新舊格淀隄以
及各處疊道橋閘並挑清河淤等工仰蒙

皇上特發帑金及時疏築俾小民永資樂利茲據布政使
方受疇詳稱查清河道胡廷承辦高陽任邱雄縣
霸州保定文安大城等七州縣千里長隄原續估
共銀一十九萬六千三十七兩零天津縣海河疊
道并橋閘等工共估銀一萬五千六百三兩零霸
州苑家口水橋估銀二千七百兩零任邱雄縣保
定霸州文安大城靜海天津等八州縣挑濬大清
河原續估共銀五萬九千四百兩零天津縣挑濬

子牙河弁築攔水壩共估銀二萬一千五百七十
兩零又天津道沈長春承辦文安大城靜海天津
等四縣格淀大隄及靜海之格淀疊道獨流等處
橋座原續估共銀一十萬二千一百五十八兩零
又原任河間府孫樹本承辦趙北口十二連橋并
疊道共估銀一萬二千一百七十三兩零以上通
共估需銀四十萬九千六百四十餘兩 尚書德
瑛劉權之奏畧查此次估修千里長隄自高陽縣

境之劉家溝起至大城縣之南趙扶村止蜿蜒曲折環峙淀南實爲附隄七州縣民田保障除沿隄高阜村莊并毋庸脩築老隄外統計現脩隄工共分七十段長四萬三千三百四十六丈四尺五寸

臣等督率司員按照佑冊逐加丈勘其頂底高寬長丈悉屬相符並間有數段尺寸較原佑寬餘之處試驗做法亦均結實惟高陽保定兩縣土性帶沙歷試錐籤間有滲水又在邱縣境內第三段至

段十霸州境內第一段至第三段隄工均係兩面夾水其隄根護土自應於原估尺寸外加厚加寬以防汕刷臣等已函飭汛員再加夯築培護并令沿隄補種柳樹莆葦俾資遮護鞏固臣等在該處查看工程時有近隄之紳士居民等跪於道旁僉稱此處隄工向係民脩民捻保護田廬自嘉慶六年大水冲刷之後小民實無力修培仰蒙

皇上特發帑金重加修築兩年以來此數百里民居田畝

普慶安全頂感

天恩生生世世大衆卽於隄上望北叩頭並籲懇據情轉
奏^上等察其感戴寔出至誠迨行至蘇家^縣望窪
亭一帶向南遙見文安窪麥隴連雲極目無際以
積年爲淀水所占之區此日盡成沃壤益仰

聖主深仁厚澤普被無涯伏思此項隄工向資民力今蒙
皇上發帑興築屹峙鼎新尤應於^前培之後保護有方庶
足久資樂利除尋常浪窩水溝穰洞飭令隨時改

補外至每年盛漲之時及水退之後似此長隄組
亘勢不能不有一二處汕刷殘缺設有應補工程
豈可再糜

國帑應令地方印汛各員曉諭居民通力合作加意修
培上以保護

欽工下以自衛田宅在居民等自各踴躍樂從惟奉行日
久易致懈弛其應如何督飭經理之處應請

敕下直隸總督轉飭所屬妥議章程按時稽察結報以裨

要工至格淀新舊隄并格淀舊道自文安縣三灘里起至天津縣西沽砲臺止共分七十二段通長一萬七千九百八十五丈五尺內惟靜海工段丈尺悉與原估相符其文安大城天津三縣隄工以上年水勢汕刷過甚其頂底丈尺間有原估不符之處臣等於丈量時另行分段備細註明單內應俟工部按照土方銀兩核算題明著落承辦之員賠交完款臣查至文安縣新格淀隄工南三灘里

地方積水寬長水中十數村民舍盡被水圍詢係
去年因子牙河泛漲大城臨河民埕被沖灌入該
處四無出路據該處老民懇求暫開格淀新隄一
段以洩積水間等察其該處積水均已澄清不妨
暫開隄工一段俾積水瀉入淀河可無淤淺之慮
是以卽飭文安大城兩縣就三灘里地勢最低之
處各挖隄數丈以資宣洩現在該處地畝已涸出
十之六七而歸入淀河之水尚在涓涓不息應俟

積窪處所再有消滅卽令於汛前一律補足完善
該居民各踴躍樂從無須再動官項其迤南王家
口一帶臨河民趁業經大城縣勸令百姓興工補
築可不致再有積水之患惟天津縣蝦蟆窪一帶
格淀疊道計長五里有奇據天津道沈長春稟稱
該處地極窪下而土性又不凝結且界在大溝子
牙兩河之間風水汕刷是以屢築屢冲今春該縣
奉文勒限賠修彼時兩面皆係深水實屬無計施

工迨後商用排椿葦草層層加壓保護隄根始克竣事而現在尙不免有蟄陷之處是以所修丈尺不能與原估相符此處工程若遇盛漲經臨力雖保護等語臣等詳閱該處工段計長九百三十餘丈察看隄根實係排椿束草甫能護土成隄是修築誠非易易而現在楊柳青等村居民等尙復具呈請開涵洞以利民田臣等查該處兩面瀕河近隄地畝無多非文安大城地方可比若值水落之

際則南北兩面涸出之地皆可種植若經盛漲之時兩面皆係積水卽開設涵洞仍無消納之路該村民等不過欲藉涵洞以圖小舟貿易往還之利而於該隄工段實屬非宜是以臣等未經允准且推當日建隄之意原爲分別清渾免致淀河淤淺而設曾經前任尙書臣裘曰修等請將靜海當城以東之隄改爲疊道較原隄尺寸稍低意謂子牙河水溜沙多盛漲時隄低易漫隄高易決漫過則

沙少決口則沙多始亦預防淀河受淤之見今子
牙河身已較淀河高三四尺不等若無此隄攔護
則渾水串入淀河必致受淤現在子牙河下游業
經督臣溫承惠於王家河以下挑濬二千三百餘
丈導使東趨由大紅橋匯入北運河并於王家河
添築攔水壩二道阻其北注入大清河之路又挑
挖紅橋以下支河七道以資分洩計盛漲時當不
致有橫溢之虞是就此時之形勢而論該隄於民

山廬舍原不甚有關係自毋庸按照原估丈尺而築惟隔別清渾此隄究不可少況業經興修未便任其殘廢應請

敕交直隸督

臣

飭令地方官隨時察看形勢就現築之丈

尺設法修補卽遇汎水盛漲之時亦不致前功盡棄不特帑項不致虛糜且於隄防較有裨益至各處疊道自雄縣十里鋪起至鄭州西關止共十四段計長一千二百四十六丈又靜海縣當城起至

楊芬港疊道計長三百九十丈又獨流村疊道計
長八百九十三丈又天津縣海河疊道自馬家口
起至水師營止共一百十一段計長一萬零七百
二十六丈其高寬丈尺悉與原估相符內惟趙北
口一帶爲南北往來衝途不免間有墊陷之處已
飭地方官隨時修補平治其當城至楊芬港疊道
查核該督原奏清單並原估細冊均開三百九十
丈_臣等到工履勘計長有十餘里之多且內有缺

口二四處詢問其故據稱該處疊道原長二千餘丈零星逐段估脩實止三百九十丈其烏龍口殘缺處所實因海水難以施工且係隨脩隨塌春間卽用浮橋接搭以供車馬經行該處係舊有工段略加修築除三百九十丈外均不在估修之內臣等查該處本非往來大路卽或因伏秋盛漲汕刷亦毋庸再加修築又挑濬河道自任邱縣大清河起至天津縣西沽與北運河會流處止共挑濬三

十五段通長二萬九千四百一十二丈臣等逐一
測量中泓水深七八尺不等兩岸河底水面均較
原佑丈尺有寬深而無淺窄現在船隻通行無滯
下游會流處亦皆通暢惟子牙河下游支河七道
現在河水尚未出槽並無分流之水察看紅橋以
西均有挑挖河形其橋東匯入北運河之處因係
潮汐往來業已漸形淤淺已飭該縣於汛水漲發
之時卽就原挑處所分道抽溝俾其暢達以順水

性又橋梁間壩各工等均逐一按照估冊切實
驗收其丈尺楮料均屬堅固如式

官司

管理兩淀堡船守備一員乾隆二十八年設

兩淀千總二員

兩淀堡船把總四員

乾隆三年置堡船三百隻設祿夫九百名九年增設
祿夫六百名堡船二百隻二十九年全裁

乾隆二年大學士鄂爾泰議設淀河堡船奏畧查
西淀納百溝之流汛發則壅泥挾沙所到填淤四

十里之柴伙淀所餘無幾止有一河通流而清河
門藥王行宮尤爲淺滯以致白洋諸淀水過趙北
口橋下而來者至此擁遏停緩而上游之新安等
處一遇異漲遂受漫溢之患東淀自渾河北徙以
來西北之信安等淀填淤成陸會同河西之由信
安歸津者已爲斷港自此漸淤而南勝芳淀遂爲
桑田復淤而東辛章策城諸泊皆成膏壤而會同
河中改東支並注臺頭一河上接石溝下連羊芬

港出楊家河爲達津之路然亦失其寬深纔通舟楫已耳夫淀之旣淤者勢難復舊若不及此籌畫疏濬淀河使之深通暢達以利官輿則一值漲溢無可消受後患莫大今署河臣顧琮奏請添設堡船以疏淀中河道爲淀河計卽爲永定河計實係切務應請如所請設堡船三百隻募役夫九百名每名按季量給工食銀一兩五錢以當歲修亦功力相抵殊有實濟其添設官弁外委分轄總轄等

項亦應照所請行以專責成以收實效抑更有請
者白溝正流本不入西淀自淀北之龍灣馬務頭
洪城至霸州之吳家臺入中亭河此一故道也自
新城之王祥灣逕王槐而南抵菜河村而東至望
駕臺迤邐東南過神機營而出茅兒灣此又一故
道也今之入大灣而行淀中者乃其決口耳若於
二道擇其便且易者開疏而通引之堅塞大灣口
勿使復決然後濬清門之淺濬挑藥王廟前之淤

阻則兩河清流滔滔遶逝而雄新安諸縣之環淀
而居者永無漫決之患亦採木清源之計也東淀
以衆河滙流之水僅恃臺頭河一道以資宣洩卽
使疏濬深通恐終未能暢達幹內支流或淤淺而
河蹟猶存或中絕而首尾尙在皆掩蔽於菰蘆芡
葦中似應於淀水消涸時逐加查勘酌量開通使
全淀之水各路分消則傳送疾而宣洩利於全局
河道隄工更有裨益矣 乾隆九年工部會同兵

部議畧議得協辦大學士劉于義直隸總督高斌奏稱東西兩淀泥沙淤淀自設稅夫疏濬甚資利益惟是役少工多不敷調撥應請添設稅夫六百名照例造堡船二百隻以濟日用計每名月支工食銀三千六百兩此項經費查有天津道屬南運河兵六百名內應酌減三百名計裁一年銀四千三百兩以抵稅夫工食可轉無用爲有用但大船倍加原數需員督率彈壓并請設千總二員卽由

堡船把總拔補令其分管新舊夫船應如所請添
設以利宣洩 乾隆十年協辦大學士劉于義等
永定河修築工竣善後十事奏畧一新堡船秋夫
分隸東西兩淀以資疏濬也堡船二百隻秋夫六
百名把總四員外委二十名分隸子牙三角淀兩
廳管轄子牙河屬天津道三角淀屬永定河道今
添設堡船三百隻秋夫六百名千總二員應將夫
船按數分撥半隸天津道所屬之津軍廳半隸清

河泊所屬之保定河捕廳管轄舊設把總外委亦按數分撥四廳新設千總二員一員駐東淀隸津軍子牙二廳一員駐西淀隸河捕三角淀二廳並管理夫船凡兩淀一切疏導事宜平時分汛辦理如有緊要工程聽各該道調集應用 乾隆十四年工部議覆協辦大學士署總督陳大受題銷折修堡船奏畧查永定河三角淀行船十隻土槽船二十隻先經督臣那蘇圖題請折造又牛舌頭船

二十隻船身窄小難以應用并請裁廢均經臣部
議允至稱原設移夫撥入別船力作應須添補器
具仍舊按年領辦行令詳細聲明再議今據奏稱
折造前船三十隻除舊料及牛舌頭船變價抵用
銀四十一兩二錢五分實用銀二百一十八兩七
錢五分與例相符又稱移夫一項原額雖係每船
一百隻移夫三百名但力作之時並無一定如遇
旱方泥濘則歛鋤筐擡水中撈取則下水搬挖每

三四名五六名不等今若裁去船隻將稅夫一并
裁汰不敷調撥應請仍留工所器具按夫派定亦
仍照舊添備查直屬各淀河所設堡船俱係一船
三夫卽屬并力合作亦係通融辦理並無額外加
添稅夫之例所有裁船之稅夫六十名未便准留
每年工食器具銀兩一并停其給領
東安縣知
縣李光明議畧或曰三角淀特設廳汛專司疏濬
豈廳汛各員皆尸位素餐者乎余曰不然下口之

淤墊非人力之所能爲也猶憶乾隆二年春王慶
垞村北引河一道長約十七八里寬約二十餘丈
深約一丈三四尺不等凌汛水至大溜必趨黃花
套三日之後水勢稍落引河已成平陸矣計此一
河非數萬帑金數萬民力不能成功然不足以當
凌汛一水之淤況伏秋二汛浩瀚之勢乎不特此
也余在下口六載當汛水長發之後乘一小舟隨
流測河每遇淤淺不能前進而返蓋下口水勢出

槽必旁溢旁溢則原溜必淤四散分流矣或又曰
然則塋船移夫之設竟無益乎余曰否渾河伏秋
二汛每逢發水所過輒淤長或十餘里寬或百餘
丈淺者三四尺深者六七尺舟行則膠徙涉則陷
純沙則板汙泥則瀉因淤而挖隨挖隨淤雖有移
夫安所施其力哉若夫淀泊之中其通舟楫之處
偶值淺阻移夫乘小舟略爲撈挖舟通而溜自駛
至於支河淤塞不通舟車草菰蒲皆能壅塞若

袞夫時爲疏導支流脈絡貫通淀水自易洩所以
邇年來西淀分設深爲有益此明驗也故設袞夫
以治淀乃策之至善者也惟以渾河下口之淤歸
罪於袞夫則袞夫不任受耳

謹案西淀跨雄新諸邑之境卽柴伙白洋諸淀東
淀爲南北二泊滹沱諸水之下流卽水經所謂右
出爲淀北爲濊口議設千總之處蓋卽東淀而分
爲東西兩淀者也西淀自王家口至第六鋪計程

五十里有奇爲三角淀廳汛千總隸子牙者駐劄
堂頭隸三角淀者駐劄楊柳青各管外委夫船把
總一半以油艚船隻修補器具仍遵照舊例由淀
河州同州判領銀承辦 又案請設堡船始於河
臣顧琮經大學士鄂爾泰議置續經河臣等議得
淀中水道寬窄淺深不一船分三項行船六十隻
土槽船牛舌頭各一百六十隻共船二百隻準年
爲粘補三年小修五年大修十年不堪用者再造

每船十隻設外委一員外委共三十員五十隻設把總一員把總共六員分撥東西淀東淀堡船二百隻以三角淀通判總其事西淀堡船一百隻以清河同知總其事並添設州縣佐貳一員統轄其俸薪房價役食等項均於駐劄之州縣支給祿夫九百名於裁兵餉銀項下每名按季量給工食銀一兩五錢遇閏加增五錢於三四五八九十等月一半捕魚一半撈泥每船日責以二方爲度舊制

如此

祠廟

龍王廟保定縣在清河隄上明萬歷間知縣田龍重修

龍王廟文安縣有二一在縣北左家莊清河南支之上
一在縣北勝芳鎮清河北支之上

龍王廟霸州有七一在栲栳圈

天妃祠在霸州苑家口

思功祠在霸州栲栳圈祀明副使陸坤錢藻

明兵部尚書王

遼有報功祀記見
永定河隄防卷

吳州判祠在霸州東南十五里善來營大隄上祠明
州判吳尚義

謹案以上霸州龍王廟思功祠吳州判祠並見永
定河祠廟卷

淀神祠在東西兩淀之中乾隆三十五年建三十八
年五十三年

高宗純皇帝巡幸津淀親臨瞻禮

水利

關城閘水利在任邱縣西北關城村建磚閘一座在村南木閘三座在村北涵洞五座又在木閘之北引水灌地九十餘頃

關城村營田在任邱縣西北關城村引白洋淀之水洩於村後溝內凡治稻田八十五頃八十畝

畿輔通志白洋淀爲泉水所匯本村舊設涵洞引以灌溉復築月隄以備不虞地勢低窪野水過多

前令許毓芳築堰捍禦利爲許公堰歲久廢弛今
復整理完固并爲疏濬溝渠令自近而遠遞相灌
注不惟水盈畦隴抑且潤及鄰疆雍正六年於縣
治西北關城村營治稻田共四十五頃八十畝農
民自營稻田共四十頃九年改旱田二十四頃五
十九畝二分

魚口村高各莊臺山村營田皆在霸州東南引中亭
河之水渡之村北橋下飢治稻田五十一頃三十六

畝

畿輔通志霸州南玉帶河統漚衆流汪洋浩瀚蓄
洩維艱惟中亭支河須水則引之水足則止圍埝
渠閘經理有法浸灌所及已獲豐收漸次推廣其
利自溥也雍正六年州治東南魚廠村高各莊徐
各莊等處營治稻田共二十九頃二十三畝二分
農民自營稻田共一十二頃一十三畝雍正九年
改旱田四十一頃三十五畝二分雍正十一年州

治東南臺山村小圈內營田十頃

十間房卒口村營田在霸州東南雍正十年觀察
副使兆祿寺卿王鈞建開營治稻田五十頃至乾隆
間改旱田二十餘頃葦藕地八頃交民租種官分其
息以充保定府蓮花書院膏火之費

蒼羽淀營田在文安縣北境引會同河之水洩於淀
池凡治稻田四百五十五頃四畝

畿輔通志文安爲七十二河匯聚之區會同河自

西而東子牙河自南而北至縣治東北合流於積
淀之內土人每於潞河俟淀之處芟刈芻蘆插蒹
稹稻多獲豐收然淀河水漲嘗苦淹沒營田觀察
副使劉勳等於蒼耳淀立圍建閘疏渠設洞以防
以灌俾節俾宣遂成永利雍正十一年縣治西北
蒼耳淀營治稻田一百五十四頃四十畝
李齊淀流河淀營田皆在大城縣東北引會同子牙
水洩之淀池凡治稻田三百頃

畿輔通志李齊流河等淀營田引子牙河水洩水
於淀池按縣境爲子牙所經卽潞沱下流也於治
東北王家口入淀而會同清流自西來會之餘波
倒漾滙爲李齊流河諸淀縱廣數千頃內村落以
數十計跨文大二邑之間居民每於平灘淺澗栽
種秧田水小則收穫倍常水大則沒無餘粒然其
隄三面距隄勢如環衛而土性膏腴最爲宜稻之
區惟北連巨淀防禦闕如故不能免於墊沒雍正

十一年營田觀察使顧琮議令効力革職員外秦
嶠建築北隄一道是歲淀內營田卽獲豐收次年
觀察使陳時夏奏請於南而建閘引子牙河流接
渠引灌仍以秦嶠任其事而副使王鈞劉勦各捐
資築圍重加保障又於北隄閘內設涵洞以備宣
洩秋收大稔從此以漸開築數十里皆稻鄉也雍
正十一年李齊淀營治稻田三十二頃九十七畝
四分雍正十二年李齊淀流河淀營田三百頃

謹案任邱營田在關城村後安州新安接壤卽淀池西岸乾隆十年初次水利工程開濬東大溝劉家圈至坨子背長五百十二丈又溝東逕岔港梁家橋至梁家窪長四百七十六丈五尺中岔溝樓房道起入金線河長三百八十二丈五尺溝東逕北岔溝坨子背至大港長六丈溝西北岔溝起坨子背至李家地長一百三十七丈中大溝自中水間至黃家地長五百三十七丈溝東岔溝起至安

州界長二百九十六丈溝西岔溝至許家涵洞長
四百丈西大溝自木閘起至西窪長一百二丈挑
築許公埝長九百三十二丈近以淀水入閘之處
積淤兩流洶涸村民仍改旱田又霸州蓄水渠在
園內平口村長七百三丈引水一道長一千二百
三十九丈大城縣李齊流河二淀管田亦見潯沱
河篇

附

春明夢餘錄近畿水利何承矩建議於

宋於河北諸州興建水利發戍兵萬八千人開泊

種稻民賴其利卽今河間保定淀泊之區出虞集
建議於元謂京東瀕海之地海潮日至淤爲沃壤
宜用浙人之法捍水爲田聽富民欲得官者合其
衆分授以地定其畔以爲限能者授以萬夫之長
千夫百夫亦如之察其惰者而易之三年後觀其
成以地之高卜定額以次漸征之五年有積蓄命
以官就所儲給以稱十年不廢得以世襲如軍官
之法時善其言而莫能行至正間丞相脫脫復議

西自西山南自保定河間北抵檀順及遷民鎮合募江南農師立法佃種給鈔五百萬錠以供牛種卽虞集之議也危素爲大農墾田於雄霸之間相地授略難除荆棘開幾千里以補漕運之缺萬歷庚子保定巡撫汪應蛟海濱屯田有效疏天津葛沽一帶地方從來斥鹵不耕種臣謂以閩浙治地之法行之未必不可爲稻田今春買牛置器開渠築隄葛沽白塘二處耕種五十餘畝內水稻畝收

四五石種藟豆者得水灌溉亦畝收二石惟旱
稻以鹹立稿始信閩浙之法可行於北海而斥鹵
可變爲膏腴也天津爲神京戶隔開府設鎮其地
益重見在水陸兩營兵四千人歲費餉六萬四千
餘兩俱加派民間若盡依今法爲之開渠以通蓄
洩築隄以防水滂每千頃各至穀三十萬石以比
千頃計之可得穀三百萬石非獨天津之餉可給
而省司農之轉饋無不可者且地在三岔河潮止

濫可以灌溉白塘地無糧差白塘以上每畝一分
八釐民願賣則給價不願則給種於民情無拂請
以防海官軍用於海濱墾地每歲開渠築隄可成
田數百頃一面召募居民承領數年之後荒田漸
開各軍民且屯且守民間可省養兵之費重地永
資保障之安矣天啟中屯田御史董應舉疏臣近
到天津歷何家圈白塘口雙港辛莊羊馬頭大人
莊鹹水沽泥沽見汪司農往日開河舊迹猶存作

水田甚多荒廢不久開之甚易一畝農工止用八錢可得粟三石三斗荒者畝用農工一兩其挑濬舊河爲力不多只須挑濬數尺明年萬石之糧可必也天津水田科臣議之者解學龍也前董應舉所開人當口及雙白二港又同知盧觀象所開何家圈皆得米萬石轉餉關門此亦曩行水利之明效也後盡肝萊矣